



Euskadiko nekazaritza elikagaien  
katearen **kontrol ofizialerako Plana**

2021-2025



Arabako Foru Aldundia  
Diputación Foral de Álava



**Bizkaia**  
foru aldundia  
diputación foral



Gipuzkoako Foru Aldundia  
Diputación Foral de Gipuzkoa

EUSKO JAURLARITZA



GOBIERNO VASCO



## ÍNDICE DE CONTENIDOS

|  |           |
|--|-----------|
| <b>1. SARRERA.....</b>   | <b>2</b>  |
| <b>2. PLANA EGITEKO, ONARTZEKO ETA EGUNERATZEKO PROZEDURA.....</b> | <b>4</b>  |
| <b>3. HELBURU ESTRATEGIKOAK.....</b>                               | <b>5</b>  |
| <b>4. AGINTARI ESKUDUNAK .....</b>                                 | <b>7</b>  |
| 4.1. Egitura eta antolamendua .....                                | 7         |
| 4.2. Koordinazioa .....  | 9         |
| 4.3. Gardentasuna eta isilpekotasuna .....                         | 13        |
| 4.4. Interés-gatazkarik eza.....                                   | 14        |
| 4.5. Prestakuntza .....  | 14        |
| <b>5. LAGUNTZA-TRESNAK.....</b>                                    | <b>15</b> |
| 5.1. Informatika-euskarriak .....                                  | 15        |
| 5.2. Laborategiak .....  | 18        |
| 5.3. Zereginak eskuordetzea.....                                   | 18        |
| <b>6. KONTROL OFIZIALEN KALITATEA .....</b>                        | <b>19</b> |
| <b>7. KONTROL OFIZIALEKO PROGRAMAK .....</b>                       | <b>20</b> |
| <b>I.ERAINSKINA: LABURDURAK ETA DEFINIZIOAK.....</b>               | <b>22</b> |
| <b>II. ERANSKINA: LEGE ARAUDIA.....</b>                            | <b>24</b> |

## 1. SARRERA

Euskadiko Nekazaritza Elikagaien Katearen Kontrol Ofizialerako Plana osatu da, elikagai eta pentsuen segurtasunaren eta kalitatearen arloko legezko eskakizunak betetzeko, alde batetik, eta Euskal Autonomia Erkidegoko elikagai eta pentsuen kontrol ofizialaz arduratzen diren agintaritza guztiek elkarren artean koordinatzeko dituzten beharrei erantzuteko, bestetik.

Nekazaritza eta Elikadura Politikari buruzko [17/2008 Legearen](#) 101.2 artikulua agintzen duenari jarraikiz, plan hau martxan jartzea aurrerapauso handia izan da; izan ere, administrazioek elikakate osoan egiten diren kontrol ofizial guztiak integrazteko elkarrekin lan egitea eta elkarren artean koordinatzea lortu da. Horrek bide eman du hutsuneak detektatzeko eta kontrol ofizialerako dauden baliabideak optimizatzeko.

Eusko Jaurlaritzaren Ekonomiaren Garapen, Jasangarritasun eta Ingurumen Sailak (EJ-EGJI) Seta Foru Aldundietako nekazaritza- eta abeltzaintza-arloetako sail eskudunek, Elika Fundazioaren laguntzarekin, Nekazaritzari, Abeltzaintzari, Arrantzari eta Elikadurari buruzko Kontrol Ofizialerako Programa hau egin dute, Europako lege-esparrua eta administrazio zentralak ezarritako oinarriak errespetatuz, baina EAEko elikagaien ekoizpen-sistemaren errealitatera eta euskal administrazioaren egituretara egokituta.

Agiri honetan, zehatz azalduta dago zer-nolako kontrol ofizialak eta jarduketak egin diren elikagai eta pentsuen segurtasunarekin, animalien osasunarekin, landareen osasunarekin, animalien ongizatearekin, giza kontsumorako ez diren animalia-azpiproduktuen (SANDACH) kudeaketarekin, merkataritza-kalitatearekin, elikagaien kalitate bereziarekin eta nekazaritza ekologikoarekin loturiko legeria betetzen ote den egiaztatzeko. Plana egiteko, aintzat hartu dira Elikakatearen Kontrolerako 2021-2025eko Plan Nazionalan (PNCOCA) zehaztutako ildo nagusiak.

Kontrol ofizialen bitartez, aldez aurretik detektatu eta ezabatu nahi dira arriskuak. Hori dela eta, kontrolak arrisku-analisi xehe batean oinarrituz antolatzen dira, zehatz-mehatz. Gainera, kalitate, efikazia, eraginkortasun eta proportzionaltasun goreneko irizpideak betez egin behar dira, eta, era berean, tokiko eta kalitatezko produktuak ekoitzi eta merkaturatzen dituzten operadore txikiei aurrera egiten eta beren burua sustatzen laguntzeko behar besteko malgutasunaz ezarri behar dira, betiere higienaren, ingurumenaren eta animalia-ongizatearen arloko arauak erreparatuta.

Plan honi bost urteko indarraldia emango zaio (2021-2025), bat egin dezan Europako estrategiekin eta Elikakatearen Kontrol Ofizialerako III. Plan Nazionalarekin. Hala, behar besteko denbora-tartea egongo da hala helburuak eta lehentasunak ezartzeko nola

aurreikusitako lan guztiak egiteko. Era berean, urte anitzeko eskemari esker, urtero aztertu ahal izango da egindako lana, aintzat hartuz urteko jarraipen txostenen emaitzak, gertatzen diren lege-aldaketak edo kontuan izatekoa den beste edozein alderdi. Hartara, kontrol-jarduerak berriz programatzeko aukera ere egongo da.

Plana, horrenbestez, hala elikakatean inplikaturiko sektoreei nola kontrol ofiziala egiteko eskumena duten administrazioei eragiten dieten kontrol ofizialak hobetzeko tresna bat da.

## 2. PLANA EGITEKO, ONARTZEKO ETA EGUNERATZEKO PROZEDURA

2021-2025eko Plana zabala eta integrala izanik, argi eta garbi zehazturik daude koordinazio-lanak eta ondoren plana onesteko eta aldatzeko prozedurak.

Alde horretatik, Elikakatearen Kontrol Ofizialerako Plana erkidegoan koordinatzeko talde bat sortu zen 2011. urtean, Koordinazio Talde Horizontala (**KTH**), eta EAEn nekazaritza-elikagaien esparrua kontrolatzeko programak ezartzeaz arduratzen diren zerbitzuburuak osatzen dute. Lantaldeak, besteak beste, plana modu koordinatuan kudeatzen du (ikusi 4.4.2. puntua).

Bestalde, Lantalde Teknikoak (**LT**) arduratzen dira Kontrol Ofizialerako Programak egiteaz eta eguneratzeaz, autonomia-erkidego osoan berdin aplika daitezten, eta lan horren nondik norakoak azaltzeaz (ikusi 4.4.3. puntua).

Koordinazio-organo horietan, erabakiak adostasunez hartzen dira, eta erabaki teknikoak izan ohi dira; hortaz, hasiera batean ez dira legez nahitaez bete beharrekoak. Hori dela eta, dagokien esparruan erabakiak hartzeko organo gorenei aurkezten zaizkie, haiek onets ditzaten. Beraz, ziklo-aldaketetan (5 urtean behin) eta funtsezko aldaketak gertatzen direnean edo egoera dela-eta goi-mailako onespina behar denean, organo horiek Nekazaritza eta Elikadura Politikaren Batzordea eta Gobernu Kontseilua izaten dira.

Organo horiek plana erabaki eta/edo onesten dutenean, Ekonomiaren Garapen, Jasangarritasun eta Ingurumen Sailburuak Agindua argitarauko du Euskal Herriko Aldizkari Ofizialean.

Planaren edukia urtero moldatu eta eguneratuko da, legerian eta administrazio-antolakuntzan eta -egituran izan diren aldaketak gaurkotzeko, edo, bestela, planaren urteko txostenaren emaitzen arabera, bat etortzeko zientzia-ezagutzaren bilakaerarekin, agertu diren gaixotasun berriekin edo osasun-arazoekin, edo barne-ikuskaritzetan eta/edo misio komunitarioetan emandako gomendioekin.

Plana zein planaren aldaketak onetsitakoan, Estatuko Administrazio Nagusiari behar bezala jakinaraziko zaio, bide formaletatik, hark Europar Batzordeari helaraz diezaion. Halaber, dagokion moduan argitaratu eta iragarriko da, behar den gardentasuna lortze aldera.



### 3. HELBURU ESTRATEGIKOAK

Nekazaritza Elikagaien Kontrol Ofizialerako EAEko 2021-2025eko Planak honako helburu estrategiko hauek ditu, zenbait jarduketa-lerrotan banakatuak:

#### **1 HE - Elikakatearen begi guztietako arriskuak prebenitzea eta minimizatzea.**

Jarduketa-ildoak:

- Nekazaritza-elikagaien kateko operadoreak gai egitea euren ekoizpenaren segurtasunari kalte egin diezaiokeen edozein arrisku identifikatzeko eta kontrolatzeko, dagokien sektorean higiene-jardunbide egokiak eta autokontrolerako sistemak ezarrita.
- Modu eraginkorrean detektatzea eta kudeatzea nekazaritza-elikagaien kateko segurtasunarekin zerikusia duten arazoak.

#### **2 HE - Elikagaien segurtasun gorena bermatzea euskal ekoizpen-sektorean, eta, beraz, osasun publikoaren babes gorena bermatzea**

Jarduketa-ildoak:

- Operadoreek elikagaien eta pentsuen segurtasunari, landareen osasunari, animalien osasun eta ongizateari, azpiproduktuen kudeaketari eta nekazaritza-elikagaien kalitateari buruzko araudia betetzen dutela bermatzea, kontrol ofizialak behar bezala antolatuz eta kudeatuz.
- Arriskueta oinarrituriko irizpideak modu malguan eta neurritz aplikatzea, kontrol ofizialen lehentasunak eta maiztasunak ezartzeko, eta ahalik eta inpartzialtasun, gardentasun, trinkotasun eta kalitate handiena lortzen saiatzea.
- Kontrol ofizialen kalitatea bermatzea, agirien bidezko prozedurak aplikatuz eta kontrol-jarduera gainbegiraturaz, eta jarritako helburuak lortzen direla ziurtatzea, kontrol-sistemaren eraginkortasuna egiaztatuz eta barne-ikuskaritzak eginez.
- Nekazaritza-elikagaien katearen kontrol ofizialean esku hartzen duten agintari eskudun guztien arteko koordinazioa eta lankidetzatza bultzatzea.



**3 HE - EAEko nekazaritza-elikagaien ekoizpenaren industria-lehiakortasuna  
eta babesa sustatzea.**

Jarduketa-ildoak:

- Operadore ekonomikoek Elikagaien Segurtasunaren arloko ezagutza egokia izatea lortzea, merkatuetarako lehiakortasun handiagoa emango dieten prestakuntza-planak martxan jarrita.
- EAEko nekazaritza-elikagaien katearen kontrol ofizialaren gaineko konfiantza areagotzea eta konfiantza-maila horri eustea.
- Elikagaien kalitatearekin eta segurtasunarekin lotutako merkataritza-transakzioetan leialtasun handia mantentzea eta merkatuaren batasunari eusten laguntzea.

Horrez gain, plan honetan jasotako kontrol ofizialeko programa bakoitzarekin lortu nahi diren helburuak ere zehaztu dira.

## 4. AGINTARI ESKUDUNAK

### 4.1. Egitura eta antolamendua

EAEk eskumen eskusiboak ditu nekazaritzaren, abeltzaintzaren, barneko uretako arrantzaren, itsaski-bilketaren, akuikulturaren, ehizaren eta ibai- eta aintzira-arrantzaren esparruan, Euskal Herriko Autonomia Estatutuaren [3/1979 Lege Organikoa](#)ren arabera. Dena dela, Espainiako Konstituzioaren 149.1.13<sup>a</sup> eta 16<sup>a</sup> artikuluetan xedatutakoa bete behar da.

Bere eskumenez baliatuz, eta bat eginez Estatuko Administrazio Nagusiak EAERI egiten dizkion transferentziak arautzen dituzten arauekin, EAERI dagokio [2017/625 Araudian](#) ezarritako helburuen eta kontrol ofizialen gaineko erantzukizuna hartzea; zehazki, nekazaritza-elikagaien esparruari dagokionez, Eusko Jaurlaritzako Ekonomiaren Garapen, Jasangarritasun eta Ingurumen Sailari.

[27/1983 Legeak](#) ematen dituen eskumenen banaketa aintzat hartuz ([34/1985](#), [42/1985](#) eta [53/1985](#) Dekretuek taxutzen dute lege hori; dekretuon bidez, Arabako, Bizkaiko eta Gipuzkoako Foru Aldundiei nekazaritza- eta abeltzaintza-zerbitzuak transferitzen zaizkie), Foru Aldundiek alde batetik ekoizpen-inguruen eta ekoizpenen kalitatea eta bestetik animalia-ekoizpenaren eta -osasunaren kalitatea kontrolatzen dute, eta, halaber, ekoizpen-inguruneak hobetzeko eta kontrolatzeko eta animalien gaixotasunak prebenitzeko eta saneatzeko esku hartzen dute.

EAEko eskumenen banaketa berezia dela eta, hainbat agintaritza eskudunek dute eta [2017/625 Araudiak](#) aipatzen dituzten helburuak lortzeko eta kontrol ofizialak antolatzeko ardura, kasuan kasuko auzia zein den.

#### 4.1.1. Eusko Jaurlaritza

[68/2001 Dekretuak](#), otsailaren 23koa, **Ekonomiaren Garapen, Jasangarritasun eta Ingurumen Sailaren** egitura organikoa eta funtzionala ezartzen du. Nekazaritza, Arrantza eta Elikadura Politikako Sailburuordetzari emandako funtzio eta jarduerarlotako batzuk hauek dira: Elikagaien Segurtasuna sustatzea; nekazaritza eta abeltzaintza sustatzea eta antolatzea; abeltzaintza, ehiza eta arrantza; nekazaritza-, arrantza- eta elikadura-industriak; eta nekazaritza-elikagaien kalitatearen kontrola.

Plan honi dagokionez, Eusko Jaurlaritzaren Ekonomiaren Garapen, Jasangarritasun eta Ingurimen Sailak honako egiteko hauek izango ditu:

- Estatuko oinarritzko araudia garatzea eta erkidegorako araudia egitea.



- Erkidegoko kontrol-plana osatzea Foru Aldundiekin batera, MAPA/AAEE koordinazio-ereduan oinarrituz.
- Foru Aldundiekin batera kontrol-plana gauzatzeko ardura hartzea.
- EAE MAPAn ordezkatzeta, erkidegoko kontrol-planei buruzko informazioa bidaltzea eta kanpoko administrazioekin (EB eta autonomia-erkidegoak) harremanetan egotea.
- Kontrolei buruzko datuak hartzea eta kudeatzea, eta MAPAra bidaltzea.

**Nekazaritza eta Abeltzaintza Zuzendaritzak**, eta zehazki Nekazaritza Sustapenerako eta Antolakuntzarako Zerbitzuak, Nekazaritza Elikagaien Katearen Kontrol Ofizialerako Plana koordinatzen du Eusko Jaurlaritzaren barruan, Foru Aldundiekin batera.

Gainera, kontrol-programak antolatzea, egituratzea, koordinatzea, gauzatzea, kontrolatzea eta ebaluatzea Ekonomiaren Garapen, Jasangarritasun eta Ingurumen Sailaren hainbat zuzendaritzari dagokie, eta Foru Aldundiek haiekin jarduten dute elkarlanean, euren eskumeneko esparruan.

Horrela, **Arrantza eta Akuikultura Zuzendaritzak**, kasurako, erauzketa-arrantzaren, itsaski-bilketaren eta akuikulturaren esparruan koordinatu eta betearaziko ditu kontrol ofizialeko programak.

Bestalde, **Elikagai Kalitatearen eta Industrien Zuzendaritzak** elikagaien merkataritza-kalitatea kontrolatzeko programa koordinatu eta betearaziko du; halaber, agintaritza eskudun gisa dagozkion funtzioak beteko ditu jatorri geografiko bati lotutako kalitate berezia (DOP eta IGP), Espezialitate Tradizional Bermatuak (ETG) eta Ekoizpen Ekologikoa kontrolatzeko sistemetan.

Azkenik, **Nekazaritza eta Abeltzaintza Zuzendaritzari** dagokio nekazaritzaren eta abeltzaintzaren arloko kontrol ofizialeko programak koordinatzea. Zehazki, zuzendaritza horren barruan hiru zerbitzuek jarduten dute plan honetan:

- a) Mintegiko Hazien eta Landareen Zerbitzua: Foru Aldundiekin batera, nekazaritza-higienearekin eta -osasunarekin lotutako programak koordinatu eta gauzaten ditu.
- b) Elikagaien Segurtasun eta Trazabilitate Zerbitzua: Foru Aldundiekin eta beste sail batzuekin batera, animalia-elikadurarekin lotutako kontrol ofizialeko programak koordinatu eta gauzaten ditu, eta giza kontsumorako ez diren azpiproduktuen (SANDACH) kontrol ofiziala egiten du SANDACH establezimendu eta garraioetan.
- c) Nekazaritza Sustapeneko eta Antolakuntzako Zerbitzua: animalia-ongizatearekin eta animalien higiene eta osasunarekin zerikusia duten programak koordinatzen ditu.

#### 4.1.2. Foru Aldundiak

Lurralde Historikoen [27/1983 Legeak](#), 7. artikuluko b atalean, xedatzen du **Lurralde Historikoei** edo **Foru Aldundiei** dagokiela erakunde erkideek landare-ekoizpen eta -osasunaren eta animalia ekoizpen- eta -osasunaren esparruan ematen dituzten arauak garatzea eta betearaztea. Zehazkiago, lurralde historikoetako nekazaritza- eta abeltzaintza-arloko zuzendaritza eskudunek izango dute ardura hori. Honako foru-dekretu hauetan daude zehaztuta zuzendaritza horien egitura eta zereginak:

- [27/2020 Foru Dekretua](#), azaroaren 18koa, Ekonomia Sustapeneko, Turismoko eta Landa Inguruneko Departamentuaren egitura organiko eta funtzional berriari buruzkoa.
- Bizkaiko Foru Aldundiaren [153/2019 Foru Dekretua](#), urriaren 15ekoa, Iraunkortasuna eta Ingurune Naturala Zaintzeko Sailaren Egitura Organikoa arautzen duena
- Arabako Diputatuen Kontseiluaren [14/2016 Foru dekretua](#), otsailaren 9koa, Nekazaritza Sailaren egitura organiko eta funtzionala onartzen duena.

EAEko Nekazaritza Elikagaien Katearen Kontrol Ofizialerako Plan honi dagokionez, **nekazaritza- eta abeltzaintza-zerbitzuek** esku hartzen dute planean, koordinazio-organotan aktiboki parte hartuz eta beren eskumenekoak diren kontrolak eginez.

Zehazki, **abeltzaintza-zerbitzuek** animalia-ongizateari, abeltzaintza-ekoizpen primarioaren higienari, animalia-elikadurari eta abeltzaintza-ustategietako SANDACHEi dagozkien kontrolak egiten dituzte.

Bestalde, **nekazaritza-zerbitzuak** nekazaritza-ekoizpen primarioaren higienari, landare-osasunari eta produktu fitosanitarioen erabilerari dagozkien kontrolak egiteaz arduratzen dira.

## 4.2. Koordinazioa

Koordinazio eta plangintza xedeetarako, beharrezkoa da informazio-fluxu egokia ezartzea elikakateari eragiten dioten kontrol mota guztietan tartean dauden agintari eskudunen artean. Horretarako, maila ezberdinetako zenbait koordinazio-organoa daude; hauek dira:

### 4.2.1. Nekazaritza eta Abeltzaintza Politikaren Batzordea

Honako hauek dira batzordekideak: Eusko Jaurlaritzako Nekazaritza, Arrantza eta Elikadura Politikako sailburuordea, Nekazaritza eta Abeltzaintza zuzendaria, eta Elikagai

Kalitatearen eta Industrien zuzendaria, eta hiru Foru Aldundietako Nekazaritza diputatuak.

Batzorde honetan Euskal Autonomia Erkidegoko nekazaritza- eta elikadura-politikak diseinatzeko dira, nekazaritzaren eta elikaduraren esparruan jarduteko planak eta programak proposatzeko dira, eta intereseko zat jotzen diren auziak eztabaidatzeko dira (Nekazaritza eta Elikadura Politikari buruzko [17/2008 Legea](#)).

#### 4.2.2. Plana Koordinatzeko Talde Horizontala (KTH)

Este Grupo de Trabajo está compuesto por las personas que ocupan las Jefaturas de Servicio de las unidades responsables de aplicación de los programas integrados en el presente Plan, concretamente de los siguientes servicios:

Lantalde hau Plan honetan jasotako programak ezartzeaz arduratzen diren unitateetako zerbitziburuek osatzen dute; zehazki, zerbitzu hauetakoez:

- AFAREN Abeltzaintza Zerbitzua
- AFAKO Nekazaritza Garapenerako Zerbitzua
- BFAREN Abeltzaintza Zerbitzua
- BFAREN Nekazaritza Zerbitzua
- GFAKO Ikuskeraren eta Kontrol Zerbitzua
- GFAKO Nekazaritzako eta Abeltzaintzako Sustapen eta Osasun Zerbitzua
- EJKO EGA SAILAREN Arrantza Plangintzarako eta Antolamendurako Zerbitzua
- EJKO EGA SAILAREN Kalitate Defentsarako eta Iruzur Kontrolerako Zerbitzua
- EJKO EGA SAILAREN Elikagaien Segurtasun eta Trazabilitate Zerbitzua
- EJKO EGA SAILAREN Mintegiko Hazien eta Landareen Zerbitzua
- EJREN EGJISKO Abeltzaintza Ekoizpen eta Merkatuen Zerbitzua

Eusko Jaurlaritzako Nekazaritza eta Abeltzaintza zuzendaria da lantaldeko burua, eta haren ardura da Plana erkidegoan koordinatzea. Erika Fundazioak lantaldeko idazkari tekniko jarduten du.

Lantalde honi dagozkio plana modu koordinatuan kudeatzeko beharrezko zeregin guztiak:

- Planaren kontrol ofizialerako programen esparru bateratua zehaztea.
- Lantalde teknikoaren estrategia ezartzea.
- Planaren inguruko dokumentazioa onestea: programak, prozedurak, kontrol-orriak, ikuskeritza-programa, etab.
- Prestakuntza-plan horizontalak definitzea.

- Kontrolak gainbegiratzeko eta kontrolen eraginkortasuna egiaztatzeko prozedurak zehaztea.
- Ikuskaritza-sistema definitzea eta egituratzea.
- Planaren jarraipena egiteko urteko txostenen edukiak zehaztea.

Lantalde hau aldizka biltzen da, eta Planari buruzko alderdiren bat adostu behar den bakoitzean.

#### 4.2.3.Lantalde Teknikoak (LT)

Dokumentazioa garatzean eta kontrol-programak betearaztean ahalik eta koordinazio handiena lortzeko helburuz, Koordinazio Talde Horizontalak nahi beste lantalde sortzeko erabakia hartu ahalko du, eta, lantalde horietan, programak gauzatzeko eskumena duten administrazioetako ordezkariak esku hartuko dute.

Oro har, kontrol-programa guztiek LT bana izango dute. Gainera, Abeltzaintza Arloa Koordinatzeko Lantalde bat egongo da, eta abeltzaintzaren esparrua (batik bat, animalia-ongizatea eta abeltzaintza-ekoizpen primarioaren higiea) ofizialki kontrolatzeko programak koordinatzeaz arduratuko da. Lantalde horretako kide izango dira Foru Aldundietako hiru abeltzaintza-zuzendariak eta Eusko Jaurlaritzako Abeltzaintza Ekoizpen eta Merkatuen Zerbitzu-burua. Beste kontrol-programa batzuei dagozkien gaiak lantzean (adibidez, animalia-elikadura, akuikultura eta SANDACH), tartean diren programen arduradunei dei egingo zaie bileretara joateko.

#### 4.2.4.Landare Osasuna Koordinatzeko Batzorde Teknikoa

Batzorde honetako kideak dira Eusko Jaurlaritzako Nekazaritza eta Abeltzaintza Saileko eta hiru Foru Aldundietako teknikariak. Batzorde honek pestiziden inguruko araudia garatu eta aplikatu beharko du (Nekazaritza, Arrantza eta Elikadura sailburuak [2006ko irailaren 12an emandako Agindua](#)).

#### 4.2.5.Abeltzaintza Arrazen Koordinazio Batzordea

Batzorde hori [81/2015 Dekretuaren](#) bidez sortu zen, eta haren helburua da abeltzaintza-arrazen kontserbazioa, hobekuntza eta sustapena kudeatzeko eta antolatze eskumenak dituzten foru-administrazioen eta autonomia-erkidegoaren arteko jarduketak koordinatzea, eta arrazen eta erregistratutako elkarrean eta erakunde aitortuen gaineko jarduera zooteknikoak aztertze, analizatzeko eta proposatzeko organo eskuduna da.

#### 4.2.6. Euskadiko Nekazaritza eta Elikadura Ekologikoaren Kontseilua

Euskadiko Nekazaritza eta Elikadura Ekologikoaren Kontseilua (ENEK) zuzenbide publikoko erakunde bat da, eta [834/2007 Araudia](#) kontrolatzeko agintaritza-funtzioak betetzen ditu. Kontseiluaren helburua, hain zuzen, erkidegoko araudian zehaztutako ekoizpen-, elaborazio-, inportazio- eta merkaturatze-arauak betetzen direla bermatzea da. Hauek dira kontseilukideak: ekoizpen-sektore ekologikoaren ordezkariak (ustiategiak, ekoizpen-, inportazio- eta/edo merkaturatze-enpresak, kontsumitzaileak) eta hiru Foru Aldundietako Ekonomiaren Garapen, Jasangarritasun eta Ingurumen Saileko ordezkariak (Euskadiko Nekazaritza eta Elikadura Ekologikoari buruzko [10/2006 Legea](#)).

#### 4.2.7. Osasun Publikoarekiko Koordinazioa

Plan hau nekazaritza-elikagaien kateari badagokio ere, giza osasunaren esparruarekin bat datozen lan-arloak detektatu dira. Hori dela eta, Osasun Sailarekin hainbat mailatan koordinatzeko zenbait organo eratu dira:

##### a) Osasun Publikoaren eta Nekazaritzaren Sailen arteko Batzordea

Honako hauek dira organo politiko honetako kide: Osasun sailburuordea, Nekazaritza, Arrantza eta Elikadura Politikako sailburuordea, Osasun Publikoko eta Droga-mendekotasuneko zuzendaria, Nekazaritza eta Abeltzaintza zuzendaria, Elikagai Kalitatearen eta Industrien zuzendaria, eta Elikako zuzendari/gerentea. Aldian-aldean biltzen da batzordea, euskal ekoizpenen Elikagai Segurtasunari eragiten dioten gaiei buruzko erabakiak hartzeko.

##### b) Osasun Publikoa eta Animalien Osasuna Koordinatzeko Batzorde Teknikoa

Hauek dira organo tekniko honetako kide: Animalia Osasunari eragiten dioten zerbitzuetako buruak (hiru Foru Aldundietako Abeltzaintza Zerbitzuaren Buruzagitzak eta Nekazaritza Sustapen eta Antolamendurako Zerbitzuaren Buruzagitza), eta Osasun Publikoari eragiten dioten zerbitzuetako buruak (Osasun Programen Zerbitzuaren Buruzagitza eta Osasun Publikoaren Lurralde Zuzendariordetzen ordezkariak). Batzordea gutxienez urtean behin elkartzen da.

##### c) Osasun Publikoa eta Arrantza Koordinatzeko Batzorde Teknikoa

Arrantzari eta Akuikulturari (Arrantzaren Antolamendurako Zerbitzuaren Buruzagitza, Arrantza Ikuskapen Zerbitzua) eta Osasun Publikoari (Osasun Programen Zerbitzuaren Buruzagitza eta Osasun Publikoaren Lurralde Zuzendariordetza) eragiten dioten zerbitzuetako buruak dira organo tekniko honetako kide. Gutxienez urtean behin elkartzen dira.

#### d) Produktu Zoosanitarioen Batzordea

Kide anitzeko aholku- eta koordinazio-organo hau ([156/2001 Dekretua](#)) Eusko Jaurlaritzako Nekazaritza eta Abeltzaintza Zuzendaritzako eta Farmazia Zuzendaritzako ordezkariak eta hiru Foru Aldundietako Abeltzaintza Zerbitzuetako ordezkariak osatzen dute. Albaitaritzako sendagaiak eta pentsu sendagarriak EAEn dituzten ondorioei aurre egiteko bidezkoak diren proposamenak egiten ditu, besteak beste

#### e) HIPN Batzorde Teknikoa

Hondakin Ikerketarako Plan Nazionala egiteaz, aztertzeaz eta ebaluatzeaz arduratzen den taldean erakunde hauetako teknikariak aritzen dira:

- Osasun Sailaren Osasun Publikoaren eta Adikzioen Zuzendaritza
- Osasun Sailaren Farmazia Zuzendaritza
- Nekazaritza eta Abeltzaintza Zuzendaritza
- Foru Aldundien Abeltzaintza Zerbitzuen Zuzendaritza

### 4.3. Gardentasuna eta isilpekotasuna

Kontrol-ofizialarekin lotutako lanak egiten dituzten agintaritza eskudunek erabateko gardentasunaz jardungo dute, [2017/625 Araudia](#)ren 11. artikulua xedatzen duen moduan. Era berean, kontrol-ofizialarekin lotutako lanak egiten dituztenek gardentasunez jardun beharko dute, [5/2015 Errege Dekretua](#) betez, eta, nolana ere, isilpekotasun-printzipioa, lanbide-sekretua eta datu pertsonalak babesteko arauak beteko dituzte.

Horretarako, jendaurrean jarriko da, Planean esku hartzen duten agintaritza eskudunen erakunde-webguneen bidez, egokitzat jotzen den informazio guztia. Modu horretan, herritarrek eskura izango dituzte agintaritza eskudunen kontrol-lanari buruzko datuak, elikagai edo pentsuek une jakin batean sor ditzaketan arriskuei buruzko informazioa eta arriskuok prebenitzeko, murrizteko edo ezabatzeke hartzen diren neurriak.

Isilpekotasunari dagokionez, kontrol-lanak egiten dituzten langileek isilpean gordeko dituzte gai sailkatuak edo legeaz zabaldu ezin diren beste batzuk, eta behar den diskrezioaz jokatu dute beren kargua dela-eta ezagutzen dituzten auzien inguruan. Ildo horretatik, lortutako informazioa ezingo dute euren edo beste batzuen onurarako erabili, ezta interes publikoaren kaltetan ere, Langile Publikoen Oinarrizko Estatutuaren [5/2015 Errege Dekretuak](#) ezartzen duen bezala.

Horri dagokionez, gainera, [1945/1983 Errege Dekretuak](#) dio ikuskatzaileek zorrotz bete behar dutela, nahitaez, lanbide-isilpekotasunaren betebeharra. Betebehar hori bete

ezean, ikuskatzaileak zigortu egingo dira, bat eginik lan egiten duten Administrazio Publikoen Diziplina Erregimenaren Araudiak ezartzen dituen aginduekin, batetik, eta Estatuko Funtzionario Zibilen Araudiarekin, bestetik.

#### 4.4. Interés-gatazkarik eza

Kontrol ofizialak egiten dituzten langileak Administrazio Publikokoak izango dira, eta, beraz, Langile Publikoaren Oinarrizko Estatutuari buruzko [5/2015 Errege Dekretua](#) bete beharko dute. Estatutu horren arabera, langile publikoek printzipio hauek bete behar dituzte, langile publikoen jokabide-kodearen oinarri diren heinean: objektibotasuna, zuzentasuna, neutraltasuna, erantzukizuna, inpartzialtasuna, isilpekotasuna, zerbitzu publikoaren gaineko ardura, gardentasuna, eredugarritasuna, zorrozatasuna, eskuragarritasuna, eraginkortasuna, zintzotasuna, kulturaren eta ingurumenaren sustapena, eta gizon eta emakumeen arteko berdintasunarekiko errespetua.

Alabaina, kontrol-programak Administrazio Publikoko langileek ezarri beharrean beste erakunde batzuei zereginak eskuordetuta ezartzen badira, erakundeok ere printzipio horiek bete beharko dituzte, zerbitzuak emateagatik.

#### 4.5. Prestakuntza

Agintari eskudunek bermatu egin behar dute kontrol ofizialak gauzatzen dituen langile orok bere jarduketa-eremuko prestakuntza egokia jasotzen duela, [2017/625 Erregelamenduko](#) 5.4 artikuluan ezartzen denarekin bat. Prestakuntzaren gai-esparruek, gutxienez, Erregelamendu horren I. kapituluko II. eranskinean jasotakoak barne hartuko dituzte.

Kontrol-langileek egunean egon behar dute beren eskumen-esparruan. Hori dela eta, beharrezkoa den prestakuntza gehigarria jaso behar dute erregulariki beren funtzioak behar bezala bete eta kontrolak koherentziaz gauzatu ahal izateko gaikuntza izateko.

Plan honekin lotutako prestakuntzaren sistematika zehaztuta dago “[EAEko Nekazaritza Elikagaien Katearen Kontrol Ofizialerako 2016-2020ko Planaren inguruko Prestakuntza Plana](#)” delakoan (Plana Koordinatzeko Talde Horizontalak onetsi zuen plan hori).

## 5. LAGUNTZA-TRESNAK

Kontrol Ofizialaren funtzionamenduari eusten eta laguntzen dioten tresnak honako hauek dira: ikuskatzaileak, nazioko eta autonomia-erkidegoetako informatika-aplikazioak eta datu-baseak, erreferentziazko laborategi nazionalak, errutina-kontroletako laborategiak eta kontrol ofizialen zereginen bat eskuordetzan jaso duten organismoak.

### 5.1. Informatika-euskarriak

Operatzaile guztiek inskripzio eguneratuak izan behar dituzte gauzatzen duten jardueraren administrazio-erregistroetan, egiaztagiriekin batera.

Autonomia-erkidegoan, EAEko Nekazaritza Ustiategien Erregistro (NUE) bat dago, eta helburu du nekazaritza-, abeltzaintza- eta baso-ustiategi guztiak inskribatzea; zehazki, lursail edo instalazioen zati handiena autonomia-erkidegoaren barruan dituztenenak ([203/2011 Dekretua](#)).

Kontrol ofizialen aplikazio-esparruetan bestelako informazio-erregistro eta sistemak daude, hala Komunitatean nola estatuan eta autonomietan:

#### 5.1.1. Abeltzaintzaren esparrua

Bizirik dauden abereen trazabilitatea bermatu ahal izateko, estatuan Animalien Trazabilitatearen Sistema Integrala (SITRAN) erabiltzen da: datu-base heterogeneo sakabanatua du, eta autonomia-erkidegoetan dauden erregistroak erregistro zentralizatu batean biltzen ditu. Oinarrizko sistema horrek, animalien trazabilitatea bermatzeaz gain, erraztu egiten du animalien osasuna eta laguntzen araubide jakin batzuk kontrolatzea; gainera, zaintza- eta alerta-sareen lagungarri da.

SITRANek hiru modulu nagusi ditu, eta hirurak daude elkarrekin lotuta:

- **REGA** (Abeltzaintza Ustiategien Erregistro Nagusia). Espainiako hogeit hamar animalia-espezie baino gehiagoko ustiategietako oinarrizko datuak jasotzen ditu ([479/2004 Errege Dekretua](#)).
- **REMO** (Abeltzaintza Intereseko Espezieen Mugimenduen Erregistroa). Informazioa biltzen du espezieen mugimenduen inguruan. Behiei dagokienez, banaka; gainerako espezieei dagokienez, sortaka ([728/2007 Errege Dekretua](#)).
- **RIIA** (Animalien Banakako Identifikazio Erregistroa). Ahalbidetu egiten du animaliak zalantzarik gabe identifikatzea, Animaliak Identifikatzeko Kode baten bidez; zehazki, horren bidez lortzen dira animalari buruzko oinarrizko datuak, egon den herrialdeak



eta bestelakoak. Erregistro hori martxan dago behi, ardi, ahuntz eta ekidoentzat ([728/2007 Errege Dekretua](#)).

EAEri dagokionez, **SITRAN** autonomikoak (SITRAN EAE) foru-aldundien abeltzaintza-zerbitzuen datu-baseetako informaziotik edaten du; era berean, datu horiek abeltzainek berek emandakoak dituzte oinarri (altak eta bajak kudeatzean emandakoak, identifikazio-agiriak eta errolda-aitorpenak izapidetzean emandakoak, eta abar), baita beren eskumenak baliatuz lortutakoak ere (ikuskaritzak, kontrolak, mugimendu-agiriak ematea eta abar).

Datu-base horien egitura lurralde historikoaren arabera aldatzen den arren, SITRAN EAEk SITRAN zentralaren antzeko antolakuntza eta funtzionamendua ditu.

Estatuan, aurrekoekin lotutako beste erregistro bat ere badago: **SIRENTRA** (Animalia Bizien Garraiolaria Erregistratzeko Informatika Sistema). Animaliak garraiatzeko baimenak emateko erabiltzen da ([751/2016 Errege Dekretua](#)).

Gainera, Osasuneko eta Albaitaritzako Alerta Sareak (**RASVE**) informazioa biltzen du animalien gaixotasunei buruz, eta bidea ematen du informazio epidemiologikoa kontsultatzeko, diagnostikoa egiteko, jarduketan eskuliburua kontsultatzeko edo gaixotasunen alerta-plana aztertzeko ([1440/2001 Errege Dekretua](#)).

Europar Batasunean, **TRACES** (Trade Control and Expert System) erabiltzen da. Animalien mugimenduak eta animalia-jatorriko produktuak kudeatzeko tresna da, Europar Batasunak erabiltzen duena bizirik dauden animalien eta animalia-produktuen inportazioa eta esportazioa kontrolatzeko, Europar Batasuneko mugen barnean zein kanpoan ([2003/623/EB Erabakia, Batzordearena](#)).

Azkenik, autonomian informazioa biltzeko beste sistema batzuk daude, Eusko Jaurlaritzako Nekazaritza eta Abeltzaintza Zuzendaritzak kudeatutakoak, eta foru-aldundietako abeltzaintza-zerbitzuek betetakoak:

- Osasun-programen informazio-sistemak
- Kontrol ofizialen datu-baseak
- Hildako animalien bilketa kudeatzeko informazio-sistemak

### 5.1.2. Animalien elikaduraren esparrua

Kontrol-esparru honetan erabilitako erregistro nagusia **ROAA** (Animalien Elikaduraren Operatzaileen Erregistroa) da, oinarritzko datuak jasotzen dituena gehigarriak, aurre-nahasteak edo pentsu konposatuak sortzen edo merkaturatzen dituzten animalien elikaduraren sektoreko establezimenduen inguruan ([821/2008 Errege Dekretua](#)).

Beste alde batetik, Estatuan erregistro horrek datu-basearen itxura artzen du, Animalien Elikadurako Establezimenduen Erregistroko Informatika Sistema (**SILUM**) izeneko informatika-aplikazioaren barruan. Zehazki, MAPAren mende dago ([1471/2008 Errege Dekretua](#))

#### 5.1.3.SANDACH esparrua

Gizakiek kontsumitzera bideratzen ez diren animalia-azpiproduktuen esparruan, SANDACHen Garraio Enpresen eta Biltze eta Prozesatze Establezimenduen Erregistroa erabiltzen da ([1528/2012 Errege Dekretua](#)).

#### 5.1.4.Nekazaritzaren esparrua

Nekazaritzako kontrol ofizialen esparruan, honako erregistro hauek erabiltzen dira:

- **REGIPA:** Nekazaritza Ekoizpenaren Erregistro Orokorra ([9/2015 Errege Dekretua](#)).
- **ROPO:** Defentsa Fitosanitarioko Ekoizle eta Operatzaileen Erregistro Ofiziala ([1311/2012 Errege Dekretua](#)).
- **Mintegietako Hazien eta Landareen Ekoizleen Erregistro Nazionala** ([30/2006 Legea](#))
- **ROPVEG:** Landareen Ekoizle Profesionalen Erregistroa ([2016/2031 Erregelamendua](#))

#### 5.1.5.Arrantzaren esparrua

Erauzketa-arrantzaren, itsaskilarien jardueraren eta akuikulturaren kontrol ofizialen esparrua da. Honako sistema hauek baliatzen dira:

- **CFPO:** Arrantza Flota Operatiboaren Errolda ([3/2001 Legea](#)).
- **EAEko Itsaskilarien Errolda.**
- **EAEko Akuikulturako Ustiategiaren Erregistroa**

#### 5.1.6.Elikagaien Merkataritza Kalitatearen esparrua

Kontrol ofizialeko esparru honetan, honako informazio-sistema eta erregistro hauek erabiltzen dira:

- **NEIE:** EAEko Nekazaritza eta Elikagai Industrien Erregistroa ([422/2013 Dekretua](#)).
- Ikuskaritzako datu-baseen erregistro informatizatua (iruzurrak).

#### 5.1.7.Elikagaien Kalitate Bereziaren esparrua (DOP/IGP/ETG)

Kontrol ofizialaren esparru honetan EAEko Kontrol eta Ziurtatze Erakundearen Erregistroa erabiltzen da ([93/2011 Dekretua](#)).

#### **5.1.8. Nekazaritza Ekoizpen Ekologikoaren esparrua**

Kontrol ofizialeko esparru honetan, Ekoizpen Ekologikoko Operatzaileen Erregistroa erabiltzen da informazio- eta erregistro-sistema gisa ([10/2006 Legea](#)).

#### **5.2. Laborategiak**

Eusko Jaurlaritzan Nekazaritzaren eta Abeltzaintzaren inguruko eskumena duen Zuzendaritzaren titularrak izendatzen ditu kontrol ofizialerako laborategiak, Euskal Autonomía Erkidegoko Nekazaritzako Elikagaien Katearen Kontrol Ofizialeko Plana koordinatzen duen agintaria denez gero. Izendapena agindu edo ebazpen baten bidez egingo da, eta Euskal Herriko Aldizkari Ofizialean argitaratuko du.

Laborategia beste autonomia-erkidego batekoa bada eta erkidego horrek elikakatearen kontrol ofiziala egiteko hautatu badu, ez da berriz izendatu behar.

#### **5.3. Zereginak eskuordetzea**

EAEko Kontrol Ofizialeko Agintaritzak Eskudunek kanpoko organismoen esku utz ditzakete zenbait jardura: halakoetan, jardueren exekuzioa eskuordetuko da, baina inola ere ez eskumena.

Aukera hori baliatzen den kontrol-programetan, egintza hori dagokion kontrol-programan jasoko da. Halaber, Batzordeari zereginen eskuordetzearen berri eman behar zaio, zeregina eskuordetzen duen agintaritzak eskudunari eta eskuordetza jasotzen duen organismoari buruzko informazioarekin, eta eskuordetutako kontrol-zereginen xehetasunarekin batera.

Aukera hori gauzatzen denean, koordinazio efektiboa eta eraginkorra lortu behar da agintaritzak eskudunaren eta zereginak eskuordetuta jaso dituen organismoaren artean. Gainera, kontrol-organismoen esku zeregin espezifikoak uzten dituzten agintari ofizialek auditoretza edo ikuskaritzak egingo dituzte eskuordetza jaso duten.

## 6. KONTROL OFIZIALEN KALITATEA

Kontrol Ofizialeko Programak lan-prozedura dokumentatuen arabera gauzatzen dira. Prozedura horiek informazioa eta jarraibideak jasotzen dituzte kontrol ofizialak gauzatzen dituen langileentzat, [2017/625 Erregelamenduko](#) 12. artikuluan ezarritakoarekin bat. Prozedura horien bidez bermatu egiten da kontrol-jardueren kalitatea eta homogeneotasuna.

Beste alde batetik, Erregelamendu horretako 5.1a artikuluan ezartzen da derrigorrezkoa dela kontrol ofizialen efikazia eta egokitasuna bermatzeko prozedurak edo mekanismoak ezartzea.

Prozedura dokumentatuak betetzen direla egiaztatzeko, kontrol-jarduera gainbegiratzeko lanak egiten dira; zehazki, agiriak gainbegiratzen dira eta in situ gainbegiratzen dira ikuskatzaileek eginiko lanak. Gainbegiratze-ehunekoak kontrol-programa bakoitzean zehazten dira.

Gainera, kontrolak koherenteak direla eta aurrez ezarritako helburuak erdiestea ahalbidetzen dutela bermatzeko, "[Euskal Autonomia Erkidegoko Nekazaritza Elikagaien Katearen Kontrol Ofizialeko Planean \(2021-2025\) jasotako Kontrol Ofizialen Eraginkortasuna Egiaztatzeko Prozedura](#)"-ri jarraitzen zaio. Koordinazio Talde Horizontalak onartu du eta homogeneotasunez aplikatzen da kontrol ofizialeko programa guztietan.

Azkenik, kontrol ofizialen eraginkortasuna eta aplika daitekeen araudiaren helburuak lortzeko egokitasuna bermatzeko, eta bat etorri [2017/625 Erregelamenduko](#) 6. artikuluan eskatutakoarekin, kontrol ofizialeko programa guztietan barneko edo kanpoko auditoretzak egingo dira. Horiek, halaber, banaka aztertuko dira, eta gardentasun osoz gauzatu behar dira. Horretarako, Koordinazio Talde Horizontalak "[Euskal Autonomia Erkidegoko Nekazaritza Elikagaien Katearen Kontrol Ofizialen Planeko Auditoretza Programa](#)" osatu eta adostu du.

Urtero, kontrol-programei eginiko auditoretzei buruzko txosten bat prestatzen da. Bertan zehazten dira aurkikuntza nagusiak eta dagozkien ekintza-planak.

## 7. KONTROL OFIZIALEKO PROGRAMAK

Euskal Autonomía Erkidegoko Elikakatearen Kontrol Ofizialeko Planak barne hartzen ditu nekazaritza, abeltzaintza, arrantza eta elikadura, eta honako kontrol-programa hauek:

### Arrantzaren eta Akuikulturaren Higiena

- I. Erauzketa Arrantzaren Lehenengo Mailako Ekoizpenaren Higienaren Kontrol Ofizialeko Programa
- II. Akuikulturako lehenengo mailako ekoizpenaren Higienaren eta Animalia Osasunaren Kontrol Ofizialeko Programa

### Nekazaritza Higiena eta Landareen Osasuna

- III. Nekazaritzako Lehenengo Mailako Ekoizpenaren eta Produktu Fitosanitarioen Erabileraren Kontrol Ofizialeko Programa
- IV. Produktu fitosanitarioen merkaturatzearen Kontrol Ofizialeko Programa
- V. Landareen Osasunaren Kontrol Ofizialeko Programa
- VI. Elikagaiak eta pentsuak ekoizteko genetikoki eraldatutako organismoak (GEO) boluntarioki askatzeari buruzko Kontrol Ofizialeko Programa

### Animalia Higiena, Ongizatea eta Osasuna

- VII. Animalia Ustiategietako Higienaren eta Osasunaren Kontrol Ofizialeko Programa
- VIII. Abeltzaintza Ustiategietako eta Animalien Garraioko Animalia Ongizatearen Kontrol Ofizialeko Programa
- IX. Behi-, ardi- eta ahuntz-espezieko animaliak identifikatu eta erregistratzeko Kontrol Ofizialeko Programa
- X. Behi-, zaldi-, ardi-, ahuntz- eta txerri-espezieetako ugalketa-produktuen establezimendu baimenduen Kontrol Ofizialeko Programa
- XI. Behi, ardi, ahuntz eta zaldien kontzentrazio-esparru baimenduen eta behi, ardi, ahuntz eta txerrien tratulari baimenduen Kontrol Ofizialeko Programa
- XII. 92/65 Zuzentarauak ofizialki baimendutako organismo, institutu edo zentroen Kontrol Ofizialeko Programa

### Animalien Elikadura eta Azpiproduktuak

- XIII. Animalien Elikaduraren Kontrol Ofizialeko Programa
- XIV. Giza kontsumorako ez diren animalia-azpiproduktuen (SANDACH) Kontrol Ofizialeko Programa SANDACH establezimendu eta Garraioetan

Elikagaien Kalitatea

- XV. Elikagaien Merkataritza Kalitatearen Kontrol Ofizialeko Programa
- XVI. Jatorri Geografiko bati otutako Kalitatearen eta merkaturatu aurretik Bermatutako Espezialitate Tradizionalen Kontrol Ofizialeko Programa.
- XVII. Ekoizpen Ekologikoaren Kontrol Ofizialeko Programa



## I.ERAINSKINA: LABURDURAK ETA DEFINIZIOAK

### Laburdurak

**AAEE:** Autonomia-erkidegoak

**AFA:** Arabako Foru Aldundia

**AGB:** Adierazpen Geografiko Babestua

**BFA:** Bizkaiko Foru Aldundia

**EAE:** Euskal Autonomia Erkidegoa

**ELIKA:** Nekazaritzako Elikagaien Segurtasunerako Euskal Fundazioa

**EGJI:** Eusko Jaurlaritzako Ekonomiaren Garapen, Jasangarritasun eta Ingurumen Saila

**EJ:** Eusko Jaurlaritza

**ENEEK:** Euskadiko Nekazaritza eta Elikadura Ekologikoaren Kontseiluak

**ETB:** Espezialitate Tradizional Bermatua

**FFAA:** Foru-Aldundiak

**GFA:** Gipuzkoako Foru Aldundia

**HE:** Helburu Estrategikoa

**HIPN:** Hondakinei buruzko Ikerketa Plan Nazionala

**JIB:** Jatorri Izendapen Babestua

**KTH:** Koordinazio Talde Horizontala

**LT:** Lantalde Teknikoa

**MAPA:** Nekazaritza, Arrantza eta Elikadura Ministerioa

**PNCOCA:** Elikakatearen Kontrol Ofizialeko Plan Nazionala

**SANDACH:** Giza Kontsumorako ez diren Animalia Azpiproduktu

### Definizioak

«**Ikuskaritza**»: azterketa sistematikoa eta independentea, erabakitze aldera jarduerak eta jardueren emaitzek bat egiten ote duten aurreikusitako planekin, eta plan horiek eraginkortasunez aplikatzen diren eta helburuak erdiesteko egokiak diren (2017/625 Araudia).

«**Kontrol ofiziala**»: autonomia eskudunak edo erkidegoak egiten duen edozein kontrol-jarduera, pentsu eta elikagaiei buruzko legeria eta animalien osasunari eta ongizateari lotutako araudiak betetzen direla egiaztatzeko gauzatutakoa (2017/625 Araudia).

«**Higienea**»: elikagai batek giza kontsumorako izan ditzakeen arriskuak kontrolatzeko eta egokitasuna bermatzeko behar diren neurri eta baldintzak, aintzat hartuta produktu horretarako aurreikusitako erabilera (852/2004 Araudia).

«**Ez-betetzea**»: pentsu eta elikagaien inguruko araudia eta animalien osasuna eta animalienongizatea babesteko arauak ez betetzea (882/2004 Araudia).

«**Ikuskaritza**»: pentsuei, elikagaiei, animalien osasunari eta animalien ongizateari lotutako alderdi guztien inguruko ikerketa, helburu duena egiaztatzea alderdi horiek bete egiten dituztela pentsu eta elikagaiei buruzko legerian ezarritako lege-betekizunak eta animalien osasunari eta ongizateari buruzko araudian xedatutakoak (882/2004 Araudia).

«**Neurri zuzentzailea**»: egiaztatze-lanaren ondoren egiten den edozein jarduera, detektatutako hutsegitea zuzentzeko edo gutxitzeko egiten dena.

«**Ekoizpen primarioari lotutako operazioak**» (852/2004 Araudia):

- Produktu primarioak garraiatzea, biltegiatzea eta manipulatzeko ekoizpenaren lekuan, betiere funtsezko izaera aldatzen ez bada.
- Animalia biziak garraiatzea, araudiaren helburuak lortzeko beharrezkoa denean.
- Produktu primarioak garraiatzeko operazioak, produktuen funtsezko izaera ez denean aldatu ekoizpenaren lekutik establezimendura bitartean.

«**Kontrol-plana**»: agintaritza eskudunak eginiko deskripzioa, informazio orokorra jasotzen duena bere kontrol ofizialeko sistemen egituraz eta antolakuntzaz (882/2004 Araudia).

«**Lehenengo mailako ekoizpena**»: lehenengo mailako produktuak ekoiztea, haztea edo lantzea, esnea batzea eta loditzeko animaliak haztea, hil baino lehen. Barne hartzen ditu, halaber, ehiza eta arrantza, eta basoko produktuen bilketa (178/2002 Araudia).

«**Gainbegiratzea**»: egiaztatzea kontrolek bat egiten dutela kasuan-kasuan aplika daitezkeen prozedura-eskuliburuetan ezarritako prozedurekin.

«**Kontrol-sistemaren efikazia egiaztatzea**»: egiaztatzea programak koherenteak direla eta bidea ematen dutela kontrol-programa bakoitzak dagozkion araudietan ezarritakoaren arabera eskatutako helburuak lortzeko.



## II. ERANSKINA: LEGE ARAUDIA

### Araudi Komunitarioa

- 178/2002 Araudia, Europako Parlamentuarena eta Kontseiluarena, 2002ko urtarrilaren 28koa, Elikagaiei buruzko araudiaren printzipio eta betekizun orokorrak ezartzen dituena, Elikagaien Segurtasunerako Europako Agintaritza sortzen duena eta elikagaien segurtasunari lotutako prozedurak ezartzen dituena.
- 2003/623/EB Erabakia, Batzordearena, 2003ko abuztuaren 19koa, "TRACES" izeneko albaitaritza-sistema informatiko integratua sortzeari buruzkoa.
- 852/2004 Araudia, Europako Parlamentuarena eta Batzordearena, 2004ko apirilaren 29koa, Elikagaien higienerari buruzkoa.
- 853/2004 Araudia, Europako Parlamentuarena eta Kontseiluarena, 2004ko apirilaren 29koa, Animalia-jatorriko elikagaien higiene-arau espezifikoak ezartzen dituena.
- 854/2004 Araudia, Europako Parlamentuarena eta Kontseiluarena, 2004ko apirilaren 29koa, Gizakiek kontsumitzeko animalia-jatorriko produktuen kontrol ofizialak antolatzeko arau espezifikoak ezartzen dituena.
- 1935/2004 Araudia, Parlamentuarena eta Kontseiluarena, 2014ko urriaren 27koa, Elikagaiak ukituko dituzten material eta tresnei buruzkoa.
- 183/2005 Erregelamendua, Europako Parlamentuarena eta Kontseiluarena, 2005eko urtarrilaren 12koa, zeinaren bidez ezartzen baitira pentsuen higienez arloko eskakizunak.
- 2073/2005 Araudia, Batzordearena, 2005eko azaroaren 15ekoa, Elikagaiei aplikatu ahal zaizkien irizpide mikrobiologikoei buruzkoa.
- 2074/2005 Araudia, Batzordearena, 2005eko abenduaren 5ekoa, Produktu jakin batzuei aplikatu beharreko neurriak ezartzen dituena (853/2004 Araudian xedatutakoarekin bat etorritik) eta kontrol ofizialak antolatzeko jarraibideak ematen dituena (854/2004 eta 882/2004 araudietan xedatutakoarekin bat etorritik).
- 2076/2005 Araudia, Batzordearena, 2005eko abenduaren 5ekoa, Aldi baterako xedapenak ezartzen dituena 853/2004, 854/2004 eta 882/2004 araudiak aplikatzeko, eta 853/2004 eta 854/2004 araudiak aldatzen dituena.
- 2006/677/EB Erabakia, Batzordearena, 2006ko irailaren 29koa, Ikuskaritzak 882/2004 Araudiaren arabera egiteko irizpideak ezartzeko jarraibideak ezartzen dituena.

- 2007/363/EB Erabakia, Batzordearena, 2007ko maiatzaren 21ekoa, estatu kideei Europako Parlamentuaren eta Kontseiluaren 882/2004 Araudian aurreikusitako kontrol bakarreko, integratuko eta urte anitzeko plana sortzen laguntzeko jarraibideei buruzkoa.
- 834/2007 Araudia, Batzordearena, 2007ko ekainaren 28koa, Produktu ekologikoak ekoizteari eta etiketatzeari buruzkoa.
- 2008/98/EB Zuzentaraua, Europako Parlamentuarena eta Kontseiluarena, 2008ko azaroaren 19koa, Hondakinei buruzkoa eta zuzentarau jakin batzuk indargabetzen dituen.
- 2008/654/EB Erabakia, Batzordearena, 2008ko uztailaren 24koa, Estatu kideei Europako Parlamentuaren eta Kontseiluaren 882/2004 Araudian aurreikusitako kontrol bakarreko, integratuko eta urte anitzeko planari buruzko urteko txostena sortzen laguntzeko jarraibideei buruzkoa.
- 1069/2009 Araudia, Europako Parlamentuarena eta Kontseiluarena, 2009ko urriaren 21ekoa, Animalien azpiproduktuei eta gizakiek kontsumitzera bideratu ez diren produktu eratorriei aplikatu ahal zaizkien osasun-arauak ezartzen dituen, eta Animalien azpiproduktuei buruzko 1774/2002 Araudia indargabetzen duena.
- 142/2011 Araudia, Batzordearena, 2011ko otsailaren 25ekoa, 1069/2009 Araudia aplikatzen duena.
- 2016/2031 Araudia, Europako Parlamentuarena eta Kontseiluarena, 2016ko urriaren 26koa, landareen izurrietatik babesteko neurriei buruzkoa.
- 2017/625 Erregelamendua, 2017ko martxoaren 15ekoa, elikagai eta pentsuei buruzko legediaren eta animalien osasun eta ongizateari, landare-osasunari eta produktu fitosanitarioei buruzko arauen aplikazioa bermatzeko egiten diren kontrolen eta bestelako jarduera ofizialen ingurukoa.
- Batzordearen 2019/627 Betearazteko Erregelamendua, 2019ko martxoaren 15ekoa, zeinaren bidez xedapen praktiko uniformeak ezartzen baitira giza kontsumora bideratuko diren animalia-jatorriko produktuen kontrol ofizialak gauzatzeko.

### Estatuko Araudia

- 1945/1983 Errege Dekretua, Kontsumitzaileen defentsari eta nekazaritzako elikagaien ekoizpenari lotutako arau-haustek eta zehapenak araupetzen dituen.
- 14/1986 Lege Orokorra, 1986ko apirilaren 25ekoa, Osasunari buruzkoa.



- 109/1995 Errege Dekretua, urtarrilaren 27koa, albaitaritzako sendagaien buruzkoa.
- 1749/1998 Errege Dekretua, Substantzia jakin batzuei eta substantzia horiek animalia biziengan eta produktuetan uzten dituzten hondakinei aplikatu ahal zaizkien kontrol-neurriak ezartzen dituena.
- 3/2001 Legea, martxoaren 26koa, Estatuko Itsas Arrantzari buruzkoa.
- 1440/2001 Errege Dekretua, abenduaren 21ekoa, Albaitaritzako Osasun Alertako Sistema ezartzen duena.
- 43/2002 Legea, azaroaren 20koa, landareen osasunari buruzkoa.
- 8/2003 Legea, apirilaren 24koa, animalien osasunari buruzkoa.
- 479/2004 Errege Dekretua, martxoaren 26koa, Abeltzaintza Ustiatzearen Erregistro Nagusia ezartzen eta araupetzen duena.
- 751/2006 Errege Dekretua, ekainaren 16koa, Animalien garraiolari eta garraiobideak baimentzeari eta erregistratzeari buruzkoa, eta ekoizpen-animalien ongizatearen eta babesaren Espainiako batzordea sortzen duena.
- 29/2006 Legea, uztailaren 26koa, sendagaien eta osasun produktuen bermeei eta arrazoizko erabilerari buruzkoa.
- 30/2006 Legea, uztailaren 26koa, Mintegiko Haziei, Landareei eta Baliabide Fitogenetikoei buruzkoa.
- 1/2007 Errege Dekretua, azaroaren 16koa, Kontsumitzaile eta Erabiltzaileak Defendatzeko Lege Orokorraren eta beste lege osagarri batzuen testu bateratua onesten duena.
- 728/2007 Errege Dekretua, ekainaren 13koa, Abereen Mugimenduaren Erregistroa eta Animaliak banaka Identifikatzeko Erregistro Orokorra ezartzen eta araupetzen duena.
- 821/2008 Errege Dekretua, maiatzaren 16koa, Pentsuen higienari buruzko araudi komunitarioa aplikatzeko baldintzak araupetzen dituena, eta animalien elikaduraren sektoreko establezimenduen erregistro orokorra ezartzen duena.
- 1471/2008 Errege Dekretua, irailaren 5koa, Pentsuetarako Alerta Sarea ezartzen eta araupetzen duena.
- 1409/2009 Errege Dekretua, irailaren 4koa, sendagai-pentsuak egitea, merkaturatzea, erabiltzea eta kontrolatzea arautzen duena.
- 17/2011 Legea, uztailaren 5koa, Elikagaien Segurtasunari eta Nutrizioari buruzkoa.

- 1311/2012 Errege Dekretua, irailaren 14koa, Produktu fitosanitarioen erabilera iraunkorra lortzeko jarduera-esparrua ezartzen duena.
- 1528/2012 Errege Dekretua, azaroaren 8koa, Animalien azpiproduktuei eta gizakiek kontsumitzera bideratuta ez dauden produktu eratorriei aplikatu ahal zaizkien arauak ezartzen dituena.
- 476/2014 Errege Dekretua, ekainaren 13koa, gizakiek jateko ez diren animalia-azpiproduktuen eta produktu deribatuen mugimendu-erregistro nazionala arautzen duena.
- 1/2015 Legegintzako Errege Dekretua, uztailaren 24koa, sendagaien eta osasun-produktuen bermeen eta erabilera zentzuzkoaren legearen testuategina onartzen duena.
- 5/2015 Errege Dekretua, urriaren 30ekoa, Langile Publikoaren Oinarrizko estatutuaren legearen testuategina onartzen duena.
- 9/2015 Errege Dekretua, urtarrilaren 16koa, Nekazaritzako Lehenengo Mailako Ekoizpenaren Higieneari buruzko araudi komunitarioa aplikatzeko baldintzak araupetzen dituena.
- 39/2015 Legea, urriaren 1ekoa, Administrazio Publikoen Administrazio Prozedura Erkideari buruzkoa.
- 40/2015 Legea, urriaren 1ekoa, Sektore Publikoko Araubide Juridikoari buruzkoa.
- 542/2016 Errege Dekretua, azaroaren 25ekoa, garraioan animalien osasunari eta babesari buruzkoa.
- 3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa.
- 638/2019 Errege Dekretua, azaroaren 8koa, zeinaren bidez ezartzen baita zer oinarrizko baldintza bete behar dituzten animalia biziak, ekoizpen-animalien elikagaiak eta giza kontsumorako ez diren animalia-jatorriko azpiproduktuak errepidez garraiatzeko erabiltzen diren ibilgailuak garbitu eta desinfektatzen dituzten zentroek, eta sortzen baita Garbiketa eta Desinfekzio Zentroen Erregistro Nazionala.

### Araudi Autonomikoa

- 3/1979 Lege Organikoa, abenduaren 18koa, Euskal Herriaren Autonomia Estatutuarena.



- 27/1983 Legea, azaroaren 25ekoa, Autonomia-elkarte osorako erakundeen eta bertako kondaira-lurraldeetako foruzko ihardutze-erakundeen arteko harremani buruzkoa, honako gai hauei dagokienez: landare eta animalien osasuna eta ekoizpena, eta lurralde historikoei nekazaritzaren arloko eskumenak eskualdatzea.
- 34/1985 Dekretua, martxoaren 5ekoa, Euskal Autonomia Erkidegoko erakunde partekatuen eskumenak Arabako Lurralde Historikoari eskualdatzeari buruzkoa, honako gai honi dagokionez: nekazaritza.
- 42/1985 Dekretua, martxoaren 5ekoa, Euskal Autonomia Erkidegoko erakunde partekatuen eskumenak Gipuzkoako Lurralde Historikoari eskualdatzeari buruzkoa, honako gai honi dagokionez: nekazaritza.
- 53/1985 Dekretua, martxoaren 5ekoa, Euskal Autonomia Erkidegoko erakunde partekatuen eskumenak Bizkaiko Lurralde Historikoari eskualdatzeari buruzkoa, honako gai honi dagokionez: nekazaritza.
- Agindua, 1997ko otsailaren 10ekoa, Industri, Nekazaritza eta Arrantza sailburuarena eta Osasun sailburuarena, albaitaritzako errezeten eredu normalizatua onartzeko eta horren erabilera Euskal Autonomi Elkartean arautzeko dena.
- 2/1998 Legea, otsailaren 20koa, Euskal Autonomia Erkidegoko Herri Administrazioen Zigorrezko Ahalmenari buruzkoa.
- Agindua, 2000ko urriaren 17koa, Osasun sailburuarena eta Nekazaritza eta Arrantza sailburuarena, zeinaren bidez albaitaritzako errezeten eredu normalizatua onartu eta horren erabilera Euskal Autonomia Erkidegoan arautu duen agindua aldatu baita.
- 156/2001 Dekretua, uztailaren 30ekoa, Euskal Autonomia Erkidegoan albaitari sendagaiak banatzen eta saltzen dituzten tokiak zabaltzeko, pentsu sendagarriak banatzeko eta ekoizteko eta albaitariak erabiliko dituzten autotxertoak egiteko baimena ematen duena eta jarduera horiek guztiak kontrolatzen dituena.
- 10/2006 Legea, abenduaren 29koa, Euskadiko Nekazaritza eta Elikadura Ekologikoari buruzkoa.
- Agindua, 2006ko irailaren 12koa, Nekazaritza eta Abeltzaintza sailburuarena, nekazaritza-erabilerarako plagizida aplikatzailearen agiria berritzeko moduari eta betekizunei buruzkoa.
- 17/2008 Legea, abenduaren 23koa, Nekazaritza eta Elikadura Politikari buruzkoa.

- 93/2011 Dekretua, maiatzaren 10ekoa, Euskal Autonomia Erkidegoko Nekazaritza eta Elikagaigintza Produktuen Kontrol eta Egiatzapenerako Erakundearen Erregistroa sortzen eta arautzen duena.
- 203/2011 Dekretua, irailaren 27koa, Euskal Autonomia Erkidegoko Nekazaritza Ustiatzearen Erregistro Orokorri buruzkoa.
- 190/2013 Dekretua, 42/2014 Dekretuak aldatutakoa, Ekonomiaren Garapena eta Lehiakortasun Sailaren egitura organikoa eta funtzionala ezartzen duena.
- 422/2013 Dekretua, urriaren 7koa, Nekazaritzako eta Elikagaigintzako industrien erantzukizunpeko adierazpenen erregimena arautzeko eta Euskal Autonomia Erkidegoko Nekazaritza eta Elikagaigintzako Industrien Erregistroaren antolamenduari eta funtzionamenduari buruzkoa.
- Agindua, 2014ko azaroaren 18koa, Ekonomiaren Garapen eta Lehiakortasuneko sailburuarena, Euskal Autonomia Erkidegoko nekazaritza-ustiatzearen koadernoaren eta beraren erabilera arautzen dituen.
- 42/2014 Dekretua, martxoaren 25ekoa, Ekonomiaren Garapen eta Lehiakortasun Sailaren egitura organikoa eta funtzionala ezartzen duen Dekretua aldatzeko.
- 21/2015 Dekretua, martxoaren 3koa, Euskal Autonomia Erkidegoan hondakin sanitarioak kudeatzeari buruzkoa.
- 81/2015 Dekretua, ekainaren 2koa, Euskal Herriko abere-arraza autoktonoak kontserbatu, hobetu eta sustatzeko eta animalia-arrazak sustatzen dituzten entitateak arautzeko.
- 68/2021 Dekretua, otsailaren 23koa, Ekonomiaren Garapen, Jasangarritasun eta Ingurumen Sailaren egitura organikoa eta funtzionala ezartzen duena

### Foru Araudia

- 27/2020 Foru Dekretua, azaroaren 18koa, Ekonomia Sustapeneko, Turismoko eta Landa Ingurune Departamentuaren egitura organikoari eta funtzionalari buruzkoa.
- Bizkaiko Foru Aldundiaren 153/2019 Foru Dekretua, urriaren 15ekoa, Iraunkortasuna eta Ingurune Naturala Zaintzeko Sailaren Egitura Organikoa arautzen duena.
- Arabako Diputatuen Kontseiluaren 14/2016 Foru Dekretua, otsailaren 9koa, Nekazaritza Sailaren egitura organikoa eta funtzionala onartzen duena.